



The Open  
University  
Y Brifysgol  
Agored

WALES CYMRU

## Rita



Rhaid i mi gyfaddef bod yr holl offer gwahanol sydd ar gael yn codi ychydig o fraw arna' i. Ond rydw i hefyd yn eithaf cyffrous â'r rhagolwg i wneud pethau gwahanol iawn â'm haddysgu, o gymharu â'r hyn roeddwn i wedi arfer ei wneud. Rydw i'n credu y gwna' i arbrofi ag ychydig o offer gwahanol i ddechrau. Dechrau â chamau bach, a gweithio ymlaen oddi yno.

Rydw i wir yn hoffi'r syniad o sgrinledu – mae hynny'n edrych yn effeithiol iawn, ar gyfer arddangos technegau a dangos i ddysgwyr sut i lywio trwy fy neunyddiau cwrs. Rydw i'n mynd i ymchwilio i'r offer sydd ar gael dros yr ychydig ddyddiau nesaf.

Rydw i eisoes wedi bod yn meddwl am addasu fy nghyflwyniadau sleid, felly roedd hynny ar fy rhestr o bethau 'i'w gwneud' yn barod. Rydw i'n meddwl y gwnaf i geisio recordio clipiau fideo byr hefyd, dim ond gan ddefnyddio fy ffôn neu efallai fy ngwe-gamera, fel bod y dysgwyr yn cael mwy o 'gyffyrddiad personol' – byddant yn gwybod sut ydw i o ran golwg, byddant yn clywed fy llais, felly bydd yn llai dieithr iddyn nhw os nad ydynt wedi gweithio ar-lein o'r blaen.

Nesaf, rydw i eisieu gweithio trwy'r tabl technolegau a allai gael eu defnyddio ar gyfer deilliannau dysgu amrywiol. Byddwch yn amyneddgar am ychydig ...

[CLOC YN TICIAN]

... Helo eto! Rydw i wrth fy modd eich bod chi yno o hyd! Rydw i'n falch iawn fy mod i wedi ceisio defnyddio'r tabl hwnnw o dechnolegau; mae wedi bod yn ymarfer buddiol iawn i mi. Mae fy neilliannau dysgu ar gyfer y cwrs hwn yn gyfuniad o ddysgu hunangyfeiriedig, dysgu ar y cyd, rhoi a derbyn adborth, cydweithio, a sgiliau cyflwyno a chyfathrebu ar lafar. Felly, rydw i'n gallu gweld o'r tabl ystod o weithgareddau perthnasol y gallwn i roi cynnig arnyn nhw, ac offer y gallwn eu defnyddio.

Er bod llawer o opsiynau, rydw i'n teimlo nad ydw i wedi fy llethu cymaint, a gallaf ddechrau ymchwilio i rai o'r posibiliadau nawr.